

四庫全書

集部

欽定四庫全書

御製詩四集卷九十

古今體一百七首

壬寅六

題烟雲集繪冊

展子虔雲山仙宇

北宗畫法有誰傳  
片羽欣茲見  
子虔冥洞靈臺聳天宇  
紫鸞青鳥侍真仙  
行來星步八鴻遍  
對得瓊花四季鮮

或曰停雲館中物

集繪四冊相傳文徵明所藏舊題為  
停雲集繪以無跋識可證兼有贗鼎

數頁因存精去疵  
改題烟雲集繪云  
烟雲變幻豈其然

周古言碧梧庭榭

設從題識辨求劍刻舟成

圖中無古言款識

見此唐初蹟謂饒

古法誠梧桐萋以葦庭榭窈而清仕女遊嬉處亶其寫

貌精

歷代名畫記稱其善寫貌及婦女

李思訓仙島春晴

樓是層城圃是懸合非塵世合居仙上元夫人注雲笈  
雙成嘉慶相盤旋下視東海一杯水紅丸湧出琳瑯天

瓊葩琪樹靜微籟雲和奏弗藉管絃將軍妙筆出奇想  
經歷或憶前生前大同殿壁今烏有留茲尺素以小傳  
雖然斯人豈祇以斯傳棄官避武無愧賢

吳道元春月潮音

春江滿月印潮平視若無形聽有聲人似嫦娥倚梅樹  
默然對以認三生

韓幹清溪飲馬

魏武子孫為上足慢訾不盡骨畫肉一節所可致議者

畫姚宋乃厠安祿奚官牽馬飲清池難忘熟處長於斯  
固非三花及黠黑脫謝鞍轡適性宜通靈感神或阿好  
照夜白卷真同調內府所藏有韓幹照夜白卷屢經題咏權以石渠為天  
閑皆其師乎曾寫照

張璪松林坐月

文通善畫松小慎驚初逢

內府藏唐畫因多此則初見也

一枝橫半宇

措意固不同高人坐其下嘉蔭延清風日夕不忍去爽  
拂霜鬢蓬問誰與為伴皓月升長空

周昉蕉陰籟吹

消夏靚裝坐綠天故知鳳管勝鸞絃  
含情按指未郁埒  
葉際輕翻籟已然

陳恪秋山獵騎

秋山艷似春秋天淨如洗乘騎出遨遊  
不復携弓矢臂  
隼獲原獸馱載付奴子既逸而弗勞  
遲速在手耳寫者  
西京人或悟元之理

鍾師紹蓮舟仙渡

大海晶湯湯雲來望渺茫別時忘彼岸渡處藉斯航適  
意烟波趣通身荷芰香問誰能識得依約有東方

關仝重巒積雪

上突巍峩下瞰窮谷卓爾峭拔村杓林麓

四句藥括名  
畫補遺論關

仝畫譜所云曲盡神躅是幅如之名實允副雖佚款識

信其真玉青出於藍沁水高足撫之寒手睇之晃目摩

詰雪溪

石渠所藏名畫大觀冊有王維  
雪溪小景曾於幾暇臨仿題句

此為私淑

李煜壺中仙客

風虎雲龍圖霸畧

見宣和畫譜

見稱所作過常流可憐絕藝

高談者無救俘為違命侯

壺中壺外由出入借問誰為出入人獨立更無事爭奕  
玉塵龍縞底須詢

徐熙春風國艷

誰將三朶割留一

見米芾畫史是圖祇一朵白色

玉蕊居然落玉京紫

魏黃姚艷堪斥文遷詩甫品相爭澄心紙固殊渲染

畫鑑

稱熙畫花果

多用澄心紙如布絹偏覺細精每以風前戒展玩恐防



巽二妬瓊英

滕昌祐春雀引雛

卵既翼而長翼仍引以飛飛去不復返悵望徒含悲但恨飛者忍弗悟引者非害不思其初是謂未知幾

滕昌祐筠籠絡緯

點畫為草蟲吳人之所長

益州名畫錄謂昌祐其先本吳人

六月莎雞

鳴

朱子蟲詩注斯螽莎雞蟋蟀一物隨時變化而異其名按古今注莎雞一名絡緯又詩正義絡緯鳴懶婦

驚又張弼絡緯詞絡緯不停聲從昏直到明則今南方所稱紡績娘北方俗稱烟烟者近是而烟字見周禮烟

氏掌去蟲注曰齊魯之間謂蟲為蜩又月令蜩蟬鳴  
注蜩也是與蜩蟬判然兩物又檢內廷所藏張照題鄒  
一柱畫蜩蟬詩云響答流黃催懶婦呼燈籬落戲兒童  
是亦以蜩蟬為絡緯也若斯螽據蔡邕月令云螽類乳  
於土中深埋其卵又埤雅曰螽斯一母百子故詩有子  
孫衆多之况則似蝗屬至螽蟬即今促織秋初生得寒  
乃鳴故詩云蟋蟀在堂歲聿云暮比之絡緯與蝗形較  
小如云一物隨時變化則小或能變大大焉能變小乎  
總之草木蟲魚古今南北異稱疏注家循  
名既紛而核實尤難因題絡緯並及之 閨中懶婦忙

覆以竹葉綠籠以竹篾蒼知為喜其音知為警其涼循  
名既已紛副實誠難詳不如泯形聲隨時賞景光

### 黃筌春卉鳴禽

春卉鳴禽尺幅中成都博瞻有誰同  
兼工何礙學孫位

守法還應笑孔嵩

見益州名畫錄

分立一枝闌樂意能言幾轉

識東風石牛

廟名

龍水那存堵絹素猶存片羽雄

邱餘慶秋蓼草蟲

廣漢家傳善草蟲肖期神韻不期工  
高低都適脈脈意動止無妨瑟瑟風  
照影偏宜秋水白禁涼尚有蓼花紅  
昆蛟各具含生樂誰識恢恢造物功

黃居寀蠟梅蠟嘴

蠟梅蠟其花蠟嘴蠟其鳥鳥謂花假借花曰鳥襲勦豈  
知蠟自蠟彼兩舌虛掉達者笑輒然即蠟誰所號叶迷  
頭認影真似此殊不少

黃居寀晚荷郭索

從來鰲跪善橫行稻熟秋風意氣生甲介向稱無所畏  
如何每入膳人烹

王靄荷擔指迷

晉人工畫佛道却非變相傳奇一擔尋常家具荷者行

卿大師出門不知所向似問童子指迷聖在汝邊法爾  
如然又復何疑佛兮經兮灌頂害不放下多斯

董羽滄溟湧日

溶滫望無極連雲湧赤輪  
棹桑定何處少海果稱神  
浩迷觀覽波泚泚際濱  
墁牆不獲賞端拱豈知人

類苑  
載董

羽嘗於端拱樓畫龍水皇子  
幼見而驚畏遂不獲賞云

王道真竹林晏坐

知己高文進寫生王道真  
竹林遺小幘湖石坐高人  
拱

手自無語澄心獨有神儒乎抑墨者崖畧孰推循

童仁益仙人蟾戲

跣足蓬頭者草紳木葉衣戲蟾或劉海得兔自孫微不  
道九關閉誰云八字非仙遊閣下望那復認依稀

侯翼周處礪劍

陽羨嘆父老三害猶未除子隱自勵志問害為誰乎入  
山射猛獸水搏蛟而誅見陸情以告朝聞夕改塗克己  
修忠信卒為賢大夫安定寫故事彰善非虛圖以何重

丹青丹青與道俱

趙昌荷塘鵝鵝

花鳥從來屬劔南水禽夏卉照清潭鴛鴦無礙稱其紫

弟子有時勝彼藍

名畫評稱昌師滕昌祐後過其藝云

水宿相呼如解救

沙羣式度自能諳漲灘落鳥尋常事何涉西臺紀怪談

趙昌寒塘鳬侶

平湖已動鯉魚風湖岸秋花色尚紅波上雙鳬多樂意

依稀識者有吳融

易元吉仙媛採芝

飛泉出峽青草木四時馨仙者於斯駐地兮亦自靈九  
光閒採擷五色辨儀形壺裏無窮樂何須過蔡經

易元吉蛛網攫猿

蜘蛛張其網捕物供腹脣黑猿伸長臂攫網為解紛忍  
及不忍間二者高下分如何蟲與獸有仁有弗仁慶之  
非寫生直以畫訓人

宋迪南山松鶴



是誰欲上南山壽宛見松蒼鶴為友復古未必肯出斯  
標題或憑後人手其示用之

陳

觀敗牆天開奇想非尋

常庸渠自為世俗態作祝嘏畫張高堂松實真松鶴生  
鶴溪外南山殊峻嶒謂宜贈之隱君子居可逍遙饑可  
樂

郭熙雪林厂屋

布景不妨巧得神宛欲仙石崖聳幽屋古樹接寒天何  
必拘留白晝其迥入元細觀點粉意先獲我同然

往年  
畫山

水小傾出新意以灑粉法為雪景圖成疎密飛舞  
頗具綰紛之致觀照是圖點粉蓋先得此意云

### 崔白秋鶯出浴

人本濠梁者自閑鳬雁姿家鶯出浴後野水傍秋時刷

羽涼非濕

凡水禽出水其羽無不立乾

延晴望以怡辭官性疎濶

見圖

畫見  
間志 愛合契義之

### 崔慤秋原隼攬

草枯眼疾勵金行搏兔陷胸先決晴枝上雙禽驚欲避

子中狀物善傳情

戰德淳石岡紙收

其蹟初未見其人亦罕聞獨於畫繼中知為畫院人茲  
撫紙收圖藝精果鮮倫石岡立兩紙亦非三百羣綬談  
意自得罷闕如相賓想寫蘇武寐萬里意入神  
并寐者無適哉物性真

見畫繼

茲

宣和翠壑紅橋

端邸盛名已早布惟嗜書畫及射御宣和集覽至盈千  
爾時唐蹟存猶富雪江點竄出王維香光精鑒或弗誤

石渠寶笈所藏宣和雪江歸棹圖卷後有蔡京題識又  
董其昌跋云宣和山水惟見此本觀其行筆布置是石  
丞本色宋時安得其匠意當時天府收貯雖畫尚彩或  
徽廟借名而焚公曲筆亦未可知云云是以向年題圖  
有竄改石丞姑弗論跋存楚國信非誇之句今觀此幀  
結構古雅沒骨設色不用皴染蓋宣和繪事精妙其於  
唐法本所優為正不必借唐標宋也看光此幀結構全  
賞鑑名家其云竄改王維亦或有所見耳

唐法翠壑紅橋間丹樹沒骨設色謝皴染天以為倪意  
為赴嗟哉多藝無不能獨不能君是何故

### 宣和海鮮貫竹

貫竹海鮮不識名宣和何以寫形成疑因馬政通金反

證已劬勞涉渤瀛

趙伯駒仙山樓閣

伯駒小景世傳多  
鴈鼎紛哉此不訛  
樓閣界無失分寸  
峯巒層自蔚駢羅  
蘭香降夜迷星斗  
夢綠行風響佩珂  
設使瑤池玉女問  
難將蹤蹟答如何

趙伯駒水閣彈碁

界畫差如時世裝  
別開生面景蒼涼  
水亭對奕閒延爽  
局趣橘中笑彼忙

畢良史溪橋策杖

石溪那畔草亭空  
森森綠竹佳蔭籠  
過橋尋亭者兩翁  
橋頭小立顧語衷  
聲不可聞神可通  
濠梁之上莊惠逢  
鯁魚出遊意從容  
魚知樂否相諮中  
夾穀博辨不可窮

李唐山逕休健

八十餘猶善畫牛  
農人耕罷放教休  
却看野鳥飛翔任  
不羨金絲籠絡頭

蘇漢臣雜技戲孩

金史卷之八  
卷九十  
奏技向長街鳴鑼復擊鼓有興湊拍敲無暇即當舞得  
錢誑兒疲奚辭身勞苦將謂愚彼孩不悟孩愚汝

劉松年列子御風

二首一韻後章反前章意

或似空行或地行最能寫得御風情設如刻畫句五蹟  
轉失南華寓意精

順風兩腋若飛行飄灑衣衫曲盡情設論鄭人本面目  
推敲字義却非精

按司馬彪注云御迎也迎風而行則逆風此圖為順風而行故戲及之

劉松年柳閣幽談

綠柳陰碧溪上背逶迤面昭曠閣三間如野舫兩高人  
坐對向談何事和而倡弗可聞惟可望賓與主各相忘  
遯之肥貞无妄漢子陵晉元亮異代交他難傍

張茂蓮葉水禽

艷稱善小景

見畫史  
會要

小景果如斯野鳥閒棲處枯荷欲



敗時霜情傳有信水態望無涯詩品如相較寒郊定不  
疑

李嵩天中水戲

少學匠師習繩墨

見圖繪  
寶鑑

自然界畫致精工試看樓閣

龍艘上不溷延袤此意同

天中競渡戲西湖令節嬉遊作暢娛稱姪腴顏棄河北  
競之一字向金無

李嵩朝回環珮

紹熙畫院畫朝回珮環左右貂璫陪隔月偶從重華返  
爾時紀綱真奇哉馴致半年不一覲玉津與后同遊進  
父子乃籍人調護斯言誠弗可為訓畫圖要在扶世道  
錢塘示戒意真好不似戴琬劉益輩宣和間但工花鳥

馬遠松下繁梅

喬松根厠老梅枝古幹繁英各擅姿儉不嫌寒松奢匪

俗梅橫無失直梅豎猶奇松山中老宿相依處林下美

人下顧時底事院工稱獨步別裁原有出羣思

馬遠剡溪訪戴

溪融坡積雪殊意故事仍稱訪戴為兩岸無隣中一舫  
知他是去是還時

馬遠紫瓊深艷

祇許徘徊觀望

玫瑰有刺羣芳譜一名徘徊蓋謂艱於採擷也

却艱採擷梳妝

染面不輸藥紫衝足雅似葵黃品在可食可佩質標有  
色有香漫說嵩山深處碧英迥出尋常

馬遠棠枝么鳳

畫院難兄弟

達馬達弟也

翎毛竟過之

見圖繪寶鑑

茲看么鳳態

倒掛海棠枝疏渲極精緻飛鳴任戲嬉雖無稻梁蓄金

絡却辭羈

夏珪冒雨尋莊

族雲送雨魚以風溪田罷耘歸老農破繖不支襜襖透  
迎頭更覺其力窮力窮尋到茅屋底身實勞哉心實喜  
永如助長卜秋收完租債更有妻子

陳容雲海起蛟

爪三為蛟五為龍是誰傳之陳所翁借問所翁何以知  
亦惟見之其圖中大海湯湯雲容蛟起其間雲海混  
同為利為害未審其蹤千竒萬變不可彈窮則實弗如  
龍德九五在天利見贊化工

張仲紫禽啁果

綠樹垂紅果黃喙落紫禽後無挾彈者飽啄且娛心

衛昇秋鷄野趣

蘧篠不能俯偃倮不能仰仰而吟秋風俯而啐粒壤俯

仰頗自得應在二者上叶 衛昇寫生即衛風切言奔奔  
意斯倣

趙孟頫疎軒高臥

廊通水閣虛俯水敞紗疎冰簟漪紋映繩牀暑氣祛晝  
長罷行飯涼納且攤書高則誠高矣能無類宰予

趙雍秋林獨騎

家學秀王孫秋林尺幘存紫騮小步活烏帽客心軒落  
後急僦僕瞻前亘野原高低張錦樹默識那無言

高克恭夏村雨艇

較米差分明比董則渾厚兼雨用其中精出尚書手夏  
村雨欲來風滿雲相轉叶高人望村歸野艇趣不苟與  
水合一相遑問濕衣否

錢選北苑鬪茶

石渠頗弄雪溪蹟設色繪情都逼真茶鬪茲看白描法  
伯時高足繼精神

茶品茗烹各出奇鬪人近利乃如斯可憐水厄至於是

萬事由來例此知

錢選苔茵卧犬

苔茵飽食恣安眠何慮郊饒俱斃然初見陳書命金

廷標

倣誰知鼻祖雪溪傳

尚書錢陳犀之母陳書善畫能臨倣各家往年陳犀嘗進其母畫冊

每幀俱有其父錢綸光題句因其家傳遺跡不忍留之為各題一絕賜還陳犀俾什襲為傳世之寶並命金廷標仿寫成冊弄之內府今觀錢選此幅因憶陳冊似有是圖爰命取來證之則實倣此但首尾易其向乃知雪溪家學淵源有自也

錢選春水遊鯈



卷九十  
春水既溶漾春藻亦流麗  
鯨魚作隊遊潏潏綠波際  
噉噉適其性底須論莊惠

錢選雪團吠犬

哆其口知其吠也胡為乃然  
羣以稀見為怪也  
口則哆吠則知也弗以無賊而畜不吠之儕也

王振鵬映水樓臺

下凌無地上凌空般礪精神想像中  
此日未詳平樂館  
早年曾寫大明宮遺來小幘猶吉羽  
俯得清波映綺櫳

鑒照每欣瑩鏡展往來祇許跨虹通高誰能匹出羣獨  
細豈傷纖積健雄削墨引繩曾弗爽圓規方矩杳難窮  
遠山更帶林枝綠近水還支荷柄紅作序孰應成腹藁  
輕舟合借片帆風

王淵秋荷水鳥

荷花落盡餘荷葉立葉野禽意若憐何不長空獨飛去  
些兒積習與全蠲

王淵秋圃衆鮮

雜果與羣蔬例是得霜好圃師工培植豈論樊須小持  
以嚮街頭獲利猶苦少嗟彼久辛勤何曾享一飽

王淵曉露秋葵

曉露方濃際朝曦未上時何以知其然葵花分向枝

一解

圖中葵二  
朵各分向

設使陽光騰雙花同東向是誰使之然葵

亦弗知狀

二解

同為植生卉而葵獨向陽惟其所以然喻

忠冠羣芳

三解

羣芳各爭時而葵獨占秋板蕩胡不然是

用興嘉詎

四解

郭畀京峴山亭

世居京口圖京峴枕葑山容故逼真古法誠堪殿全壁

幾閒遂以詠希珍四朝名蹟

謂隋唐宋元

頗多弄勝國朱家

未一掄縱匪停雲館中物

集繪四冊自隋展子虔至元郭畀凡六十四幀而獨無明

代畫家雖題跋逸去難確指為停雲館中物要其為明人鑒藏所集無疑也

定知稗冊自明

人

協辦大學士尚書蔡新請假一年回籍修墓既允

所請並諭毋庸開缺詩以賜之

元年進士似卿希懇假還鄉不忍違學重書房開絳帳  
品端內閣協黃扉齒加長奈何其老談及親應令爾歸

蔡新由乾隆丙辰科進士選入翰林在上書房行走三十餘年濟推尚書協辦大學士茲請假一年回籍修墓奏招內情詞懇切雖逾七旬不忍乞休因俞所請暫歸諭令毋庸開缺並賜詩以寵其行顧我不為

宋高孝

宋高宗南渡後不思復仇雪恥以圖恢復疆宇迎還二帝乃耽玩湖山退居德壽孝宗亦粗於

宴安相繼內禪向於詩文中每評論及之深所不取余自臨御以來宵旰不遑夙願至八十五歲時歸政今者雖年逾古稀猶風夜孜孜不敢倦怠也孜孜猶此救時幾

詠古玉斧珮

葆光看古玉不辨子姪年垂棘溫而潤如酥英弗妍寧  
須藉土浸應鄙說城連獨是何人珮為之思畢然

題文徵明金星歛石玉堂硯

待詔雖非玉堂客玉堂能幾似其人直方不負永年者

藥括徵明  
識硯語

日寫千文迨九旬

賜哈薩克沙海蘇爾統宴即事得句

哈薩

克薩克二字  
急呼之為一字

羈縻化外人嘉其向化擬藩臣

哈薩

克誠心歸順歷久益虔其汗阿卜賚故即降旨封其子  
幹里為汗茲遣其弟沙海蘇爾統來朝謝恩因賜宴觀

燈如例當子繼封汗號虔遣弟來叩旨申賜宴觀燈示

以惠久安長治勗惟寅本非勤遠徠殊遠戒滿持盈意  
倍諄

池上居

夏日常臨池上居雲窻冰簟總彬如新題舊什已填若  
憂意樂情紛老子簾下緗雲猜乳燕階平鏡水數<sub>上</sub>聲遊  
魚幾閒何以消長晝惟是觀書又愧書

夏隱亭口號

近到知亭遠看無兩言簷額稱名乎笑他附勢趨炎者  
夏隱安能似此夫

題知過堂

去年著論曾自訟匪逞虛文敬畏存誰謂庸臣貢漆飾  
去冬山東巡撫國泰呈進雕漆櫥櫃屏扇等件以其費  
工無益甚不慍懷傳旨嚴行申飭第念成器不毀又不  
肯因此添建大屋不得已於慎修思永殿後舊有之雲  
看清勝室接櫥裝用並泐所著知過論於壁遂以名堂  
云

仍因舊室構松軒知非早過伯玉歲作戒常思衛武  
言搞藻淶毫泐堂壁斯多愧那待他論



命加賑山東江南被災州縣詩以誌事

春正詔加賑十行率成例加期滿再加則以災重豎河  
決青龍岡垂成功屢廢

叶

被災諸州縣至今無涸地不

惟麥失望大田艱種藝哀哉昏墊民日食何為繼即予

加三月速救目前急

叶

命兩省方伯詳議救民計

山東  
普州

兗州濟寧等府州屬及江南徐州豐沛等縣因上年青  
龍岡漫口黃水下注被災較重目下正賑加賑已畢被  
水災地未能涸出耕種民力尤為拮据因特降恩旨於  
各該處加賑外無論極次貧民再行展賑三個月並諭  
該督撫董率所屬實力底績既乏術勤民違惜費煩緒  
撫恤俾窮簷得沾實惠

弗成章五字聊鳴媿

熱

弗雨又過旬炎律當夏五邇日特歆熾祝融勢方鼓前  
雖雨露膏究未盈尺覩縱云曬麥宜寧不萎禾黍廣厦  
尚鬱蒸暎曝屋茅宇絜矩吾素心那肯忘人苦

荷

御園荷信先

去聲

湯泉

湯泉每歲荷花早放今未進到而御園之荷先已開發或今歲炎熱

較早  
之故鏡浦霞臺已斐然童子設如擬闕黨速成吾亦戒

斯馬

夜雨

五月初三日

問夜四更稱起雲五更寐醒雨聲聞轟雷片刻毆成霽  
祇為去聲惜乎不為欣

端陽日作

令序天中自古傳苟其無事例應沿

歷年以來端陽日每逢望雨則不度

節幸霑未渥非甚旱

今歲端陽前屢經得雨尚未能透足雖不以旱罷節事而心中實望

再霈度節頒恩是衆懸虎父陳階雄故爾龍舟渡浦競斯捐

適來哈薩教觀勝

哈薩克使臣沙海蘇爾統來覲過達令節因命御前大臣侍衛等帶至御

圍觀龍舟之勝

問以玉河不解然

西域記載和闐玉池每以端午日自王公下至庶人皆往

取之每取一玉投以一石謂之種玉哈薩克考漢史其地近和闐茲詢之沙海蘇爾統不解其事然今和闐亦無其事而產玉如故益見書之難盡信也

### 西直門外作

邇日炎歊實異常  
輕輿夙駕趁晨涼  
又逢北至又希雨  
虔潔心滋慚不遑

二麥當秋過半收  
禾苗綠亦被田疇  
顧茲益為祈膏澤

後樂恒艱祇先

去聲

憂

雖經兩次被甘膏

四月十二二十一等日雖連得雨澤不過三四寸尚未能透足三四

寸非優渥叨獲麥宜晴聊可待巧辭悅我畏斯曹

### 養心殿齋居

南郊有成例遷坐居齋宮

北郊弗遷坐便殿如常同禮雖有區別一例致戒躬三

日無不陰數

去聲

點旋霽空益滋渴望焦况復扇炎風深

沈九重高尚難禁蘊隆茅簷與黍畝民艱念何窮

再題李唐長夏江寺卷

將謂無雙品誰知乃有三

李唐長夏江寺卷最為烜赫名蹟今石渠寶笈舊藏一卷

有宋高宗前後題跋意謂妙蹟無雙後續獲一卷籤曰長夏江村據其畫景定為長夏江寺又南宋院畫錄載宋犖跋所見另有三卷蓋自古書畫家於得意處不嫌屢作如王獻之好寫洛神賦并趙鼎按鷹圖有四之類

是彝尊跋久佚成德字空探

南宋院畫錄又載有朱彝尊跋所言高宗題字均與

是卷胎合其跋中稱納蘭侍衛容若購得容若乃大學士明珠之子侍衛成德姓納蘭氏也是卷或經牧藏而

以彝尊跋中稱其字改割去之耳因後獲璧堪合即新命內廷翰林等詳加考證附識卷末

卷後續入石渠寶笈者五言城詎慙詞臣教考證求是夙心語

再題續入石渠寶笈李唐長夏江寺卷

李唐長夏江寺卷石渠寶笈今有二一為舊存一續入

豐城之劍原雙比舊存近經重訂詳思陵前後題猶寄

獨佚卷尾與懃印裴裱割裂亦恒事

張丑清河書畫舫稱李唐長夏江寺

卷古雅雄偉前有高宗御題後有開封趙興懃印今舊存石渠寶笈之卷但有高宗題而無與懃印蓋裴裱時

俗工割裂亦其常也續入此卷實李作雄渾秀潤無不備向訛江

村義未妥即景予定為江寺却亦想當然耳云初無可

證之題識然據題識定真贋斯為刻舟求劍器宋犖跋

稱已見三

是卷續入石渠寶笈者雄渾秀潤為李唐真蹟無疑向題長夏江村而所畫塔勢湧出實

是寺非村因為改題考厲鶚南宋院畫錄載李唐長夏江寺圖宋筆跋云所見凡三卷一為劉魯所藏上有宋高宗題一為李唐可比唐李思訓一為梁清標所藏無高宗題一為帶所自藏以泥金點苔與此卷並較皆不合蓋另是一卷也此非榮見則已四古人佳作每屢為王之智永

趙品杜霄

率已試

古人書畫家於得意處不惜屢作如王獻之好寫洛神人間合有數本智

永書千文至八百木趙品五陵按江寺何獨不然乎長鷹圖有四杜霄撰

歌用以申其義

題宋澄泥直方硯

欽定四庫全書

御製詩四集

五



宋澄泥不減溪端歲久色如砂化丹合贈子顥華序伏  
火鬱羅臺畔謁靈壇

壬寅夏至日

方澤禮成述事

品物咸章候豐稔舉

北郊空桑琴瑟叶實麥舊新交久沐

安貞錫益欽昭事膠大田待滋長上聲靈雨願無渚

幸避暑山莊啟蹕之作

老年人率不禁暑避暑誠應每歲行況是山莊貽

聖祖遂教吉日發都京前朝炎熱茲更

平聲

爽左近霑霖

此却晴步出東門仍御馬既勤已亦愜輿情

### 過清河

今歲麥收早往年已看堆積圃場邊宜晴待彼入園鹿

思渥黍疇又迫然

前日炎蒸實異常

初九日

衆勞發軔為

去聲

躊量精裡昨即

逢新爽啟蹕羣欣趁晚涼

橋下溶溶俯綠波細於去歲此清河究因春夏交短雨  
渴憶民艱嘆若何

過懷柔縣詠古

彈汗貞觀名蓋因突厥輯以武開元易懷柔圖撫以文  
繩厥祖徒武失剛徒文柔胥非中道那永輯而撫雖然  
用剛過者其禍速不如用柔禍緩畧能久<sup>叶</sup>得其中者  
信難哉要在文武并用無逸以為所懷柔去京百餘里  
古所謂守在四夷者即此祇今伊犁建城興屯田其遠

較茲奚啻倍而蓰此非誇也實懼乎自我得之敢不業業兢兢守在已復申其說曰要於敬

天愛民而已耳

向北

向北多山田二麥尚未收黃萎弗成業定無五分酬近  
京實勝此幸因宿雪稠豈其百里隔雪澤頓爾殊叶  
禾黍則畢種亦得甘膏優無處不課農憑輿為增愁

命新授山東巡撫明興往查去歲被水州縣奏至

詩以誌事

庸臣既作弊民艱自不報

國奉前往山東巡撫任內貪婪勒索于易簡身任藩司甘

為欺飾昨被御史錢澧奏命和坤劉墉往審果實因念該省被水災黎必未據實查勘奏報遂令新任巡撫

明與與藩司孫士毅前往分途履勘亟命新任者速往查無告猶恐迫不

及加賑繼頒詔

即特降旨將曹克等屬無論極次貧民

再行展賑

今接遞飛章果有向隅號

茲據明興奏曹屬城式及濟寧金鄉

魚臺等處地當下游災情較重請酌借口糧接濟並將被災已未涸出地畝分析開單奏報蓋明興尚未接奉

加賑之旨故有此奏今計已奉到因諭令黃水所經過  
董率所屬實力遵旨妥辦毋使一夫失所

數縣深淤淖二麥既失望大田艱耕到哀哉昏墊黎胡

被異常澇加賑有滿期冬春更宜料

東省被水地方已經涸出者應飭酌

借籽種及早赴抽其未經涸出不能播種者即一面開賑以資接濟又思展賑至七八月亦畢今冬明春之間

災民口食仍艱應如何酌量加恩今明與臨期再行奏聞請旨

帑項所弗惜安民斯最

要申命爾其覆南望增慚悼

望白龍潭有作

戊戌夏初旱命禱蒙

神賜

戊戌夏久不雨攝京兆事胡季堂奏石匣白龍潭向來求雨輒應即命其偕御前侍衛德保往禱

日甘霖果霈因發內帑萬金鼎新祠宇並  
於己亥年親詣展誠有龍泉寺瞻禮詩

因命鼎新祠

己亥親詣寺今春覺闕澤亦差請雨吏漠然竟無應後  
乃四寸暨旬餘復三寸究未優渥遂誠通或弗通再三  
瀆匪誼近更炎暵增渴望霖繼茲當過靈境辦香仍  
遣致百神代

天工職在敷民惠庶幾霈甘膏調幕惟滋愧

陣雨

五月十四日

陣雨來西北豐隆列缺施忽然落雨片倏爾捲風絲徒

有歎炎意而無救旱資祖成增盼句莫當去聲解嘲辭

出古北口詠事

古北今成夜戶開山莊避暑復茲來有懷莫致雄關守  
無黨惟欣王道恢沙壓水衝餘廢址巖梯嶺冠尚存臺  
弗資民力那能比似此勞民信可咍

關外

昨日雨由東北過雲脚行山亦恒理凹坂漸車畧餘濘  
紗衣破寒度迢邐豁弗致漲田受益高下禾黍芄如洗



雖為澤惜欠渥優每不知足自責已絜矩人情胡不然  
為君難此一端耳

常山峪行宮三疊舊作韻

黃土纔過嶺

青石梁末為黃土嶺過嶺即常山峪

常山見目前蹕迤數里

近行館一溪邊知路步幽徑據林梯翰筵耐他今日景  
伴我古稀年野鳥殷勤語閒花自在妍

聖蹤欽想像瞳若敢云肩

山雨

五月十七日

山雨渾無定可期昨宵今曉疊霏絲逮今又復一時灑  
入地原艱二寸滋却已霑衣羣僕怨幾曾潤稼老農嘻  
人情忖度為田處無定心如之望之

至喀喇河屯用前作韻

按頃行程有定期平泉駐蹕冒烟絲山溪遠迤何妨渾

黍隴青蔥亦頗滋呈馬驪黃多繹繹

向例上駟院於春月即驅御馬至此

牧養以備行國故乙酉詩有月駟雲轔呈內殿之句

迎鑾賓客總嘻嘻雨兼年老

乘輿至一詠舊詩却愧之

昔年自啟駕至行園皆乘馬故有跋馬却輿輩廿年一例

便之句今年適古稀  
又適遇雨因罷策騎

山東巡撫明興報得透雨詩以誌慰

燕齊近接境大都均望雨齊有黃水災民間自更苦加

賑縱補苴豈似露膏溥茲報夏至日渥優被甘露

叶明興

奏報五月十一日自曹州至濟寧途次得遇雷雨竟日  
入土深透大田暢遂晚禾雜糧悉皆趕種曹州濟南泰  
安兗州東昌濟寧臨清等府州屬俱稟  
報於是日得雨五六寸至八九寸不等此間亦細霏弗

及東省普然祇利涸田未涸原艱楚南望託憂思何日

民安堵

灤陽別墅

行宮有餘暇灤水必一渡別墅河之陽曠覽山川趣今年灤水弱木杓接岬路青苗鋪阪田待澤誠甚遽以此意徬徨採藻無佳句

題翠雲堂

階下蕭椈列四松飄然皓友又相逢衣巾不覺當夏冷枝幹寧須過雨濃近砌如張青織蓋遠峯猶露綠芙蓉翠雲設與山雲合尺澤應教蘇渴農

虬蓋亭

一笠孤亭別幾時  
森森老幹長孫枝  
今朝雨後涼生座  
不藉喬松風入之

晚雨

晚雨作止凡數陣  
頓盈溝澮潏蹄泮  
雖云其涸可立待  
究滋禾穎與麥鉞  
入夕雲捲東南去  
過望月上喬松陰  
不足為慰仍增盼  
僕從却喜無潦侵

御製詩四集卷九十

欽定四庫全書

集部

御製詩四集卷九十一至三

編修臣初喬齡覆校

總校官編修臣程嘉謨

欽定四庫全書

御製詩四集卷九十一

古今體一百十八首

壬寅七

至避暑山莊即事得句

宿雨清塵度嶺郵，余承德昔興州。人勤農賈滋而庶，

戶有絃歌教以修。

學政金士松歲試承德府生童  
甫畢率領諸生於是日迎駕

冉問

孔云斯正合李唐趙宋興能，不撫時益切持盈志。

曰奉無私莫外求。

永佑寺瞻禮

山莊

皇祖創垂崇到必虔瞻申緬衷詎祇

几筵欽舊蹟益思宵旰勗微躬渴懷傳說霖為雨漫擬  
重華薰鼓風塞外行宮奉

神御皇清威德古誰同

寫心精舍

書屋曰寫心問心如何寫繩繼固瞠乎安阜總茫也即



如河之決瓠子歌愁惹屢望屢債事絕望益沒把

豫省堵築

青龍崗漫口屢敗於垂成故有絕望之什然無坐視之理因命於上游南岸履勘地勢為改絃更張之計嗣據阿桂奏請於南陽三堡至高邱添築南堤一道閘挑引河導水下注高邱歸入正河大溜勢必全掣約於秋冬間峻

捨事改絃別引河成在秋冬者此際豈真恕我豈民誠

### 題鑑始齋

萬法誠誰是不遷齋題鑑始尚依然幼齡十二承

恩處瞥眼深陰六十年

雙松書屋

伯夷聖之清叔齊豈不似如讀孟子書二老宛在此我  
偶坐謾陰聲色擬忘矣去歲與今年由來不隔耳

煙雨樓對雨

西南雲起有雷鳴  
眴眼天中靈  
雨傾豎  
灑橫排  
亟暢意  
繁絃急管莫形聲  
八牕那得珠簾捲  
四字紛披銀竹晶  
略釋渴憂生  
逸趣高樓今日善循名

青楊書屋

玉塞青楊殊白楊柳柳銀雲葉獨小其下樸屋構三間  
樹老因之屋亦老太古以來風月枝秋與吟蛩春與鳥  
却笑建木及靈椿等間名被人間曉

對山齋

山莊無處不山齋而齋對山特名此却非崇岡峻嶺叢  
青蓮島上數峰耳說石玲瓏假借堆久假不歸則真矣  
大者勝弗如小勝濟勝者應悟是理

留京王大臣奏報得雨詩以誌慰

過看雲起每從南得雨茲欣啓奏函春夏霑膏內勝外

西東度寸二和三

今年春夏之間京南已被膏雨近京雖兩次被雨尚欠優渥然閭內較勝

關外茲留京王大臣奏京城於十七日亥時至十八日寅時得雷雨數陣城西約有二寸城東約三寸餘

麥收已畢禾滋長早象雖消豐敢談批摺正斯對嘉霽  
從來於澤豈辭貪

山雨

五月十九日

山雨自西南今番勢甚酣歷時已過二度寸不惟三激  
地噴銀沫飛空掩翠嵐沃心愁畧釋稼穡作真甘

溥仁寺瞻禮

祇園歷六十年陳肯構於斯合鼎新

溥仁寺自康熙癸巳蒙古王公等為

皇祖恭祝六旬萬壽所建計今又遇  
迎甲辰勅所司重新丹雘亦誌堂構之意

恰值丹青茲

慶落因來瞻禮致誠申渡河多稼迎眸潤過雨千峰著

意鉞免賦以三蠲漕二

皇祖時曾特頒恩諭將天  
下額賦三年輪免一週其各省

漕米

加恩分作三年輪免一次實亘古未有之贖

典余御極以來於丙寅庚寅丁酉三次蠲免天下正賦

丙戌庚子兩次蠲免各省漕糧亦惟仰  
體皇祖仁愛之心敬承無斁云爾

繼繩亦曰溥

前仁

安遠廟

始自遠人徠

先是癸酉冬都爾伯特台吉策楞等率衆來歸甲戌秋輝特台吉阿睦爾撒納和碩

特台吉班珠爾又各率數萬人來歸若而人不可使占居喀爾喀地於是始議而路進師旣而定伊犁開新疆歲乙酉遂仿伊犁固爾札都綱建廟賴曰安遠

非期疆宇恢蹟乖成事順功就

賴

天培

西師之役自乙亥春兩路進兵遂擒達瓦齊定準噶爾諸部無何阿睦爾撒納叛逃逆黨煽附兩子

春我師逆討阿逆竄跡哈薩克嗣哈薩克趁其反覆請擒賊自効阿逆隻身竄入俄羅斯竟伏冥誅又回部大小和卓木久為準噶爾所拘我師既定伊犁釋其囚恩撫之乃二酋孤恩助惡屢抗官軍賴天恩助順校

謀莫還二首遠遁入振達克山其汗素爾坦沙叔賊臣  
首以獻回部患平西陲底定蓋屢變屢安適成我事詳  
見所著  
問惑論 責實誠幸耳循名豈易哉伊犁耕作闕保泰慎

籌裁

札什倫布廟再疊庚子韻

由來芥子納須彌底論仰荒與俯釐見說福資三乘力  
祇圖慈濟萬靈熙堂中貝葉翻宗教階下禪林長慧枝  
舊果前緣一相證有為法豈及無為

題宜照齋

一帶尋北寺例由山徑迴齋仍今日入人是隔年來耐  
可時宜矣寧惟夕照哉設云虛應物心鏡豈須臺

却炎榭

邇來雨後覺風涼  
翻以紗衣換葛裳  
虛榭却如有所語  
去聲莫觀其暫請觀常

就松室有會

種松老何時就松室  
自老室以土木成  
豈解就之好則  
人使就之半樸半屬巧  
我來坐松陰復有就之道  
誰主



更誰賓松室雨不曉

十尺雪二絕句

初來望雨懶吟詩既雨斯來又一時落漲挾沙頓改色  
薛昭絳雪畧同之

卜築山邊復水邊臨流摘句亦多年拈鬚已是古稀者  
耳裏清音不異前

玉琴軒

山中富流泉隨處皆可引激石必成聲聲如調玉軫太

古即有斯律呂鳴無盡雷氏造詎然鍾子知豈允設擬  
五絃彈解阜以為準

寧靜齋

山以靜為體夏因長故寧小年於此度陋室似其銘適  
矣觀物理慙哉何德馨非闕武侯緬致遠亦當停

用戒得堂

記意

題文津閣

四庫欣看首部成文淵曾是宴儒鄉

今年春仲經筵以四庫全書第一部

告成皮文淵閣即於是日賜總裁總纂  
總校分校提調等宴并陞叙頒賞有差  
經營已異初草

版次第堪循舊課程曾鞏黃香宣此到唐函漢畧較他

贏六年期固非遲耳

四庫全書第一部已成其第二三四部分度咸京之文淵閣山莊之

天津閣御園之文源閣者據館臣等奏通  
限六年全竣行見裝潢野閣次第觀成云  
楠架行將插  
以盈

### 趣亭

假山新壘作古石似天成根帶樹叢長

上聲

竅穿花蕊榮

斯誠育物趣益契對時情映閣增清聽文津淙底鳴

月臺

石麓東頭搆月臺  
廣寒宮殿映暹開  
謾訾杜撰成粉本  
原自襄陽帖裏來

河南巡撫富勒渾奏報得雨詩以誌慰

豫齊接境夥農田  
齊報優霖尚豫懸  
茲接撫臣馳驛奏

遍霑膏澤各州連

富勒渾奏蘭陽儀封等縣於五月十一日自卯至申大雨滂沱入土十分

深透且陰雲濃密露被必普秋成可期豐稔即修河在

工夫役亦可解除炎蒸之氣得以盡力工作覽奏稍慰

更殷軫念云

聚夫兼免疫疾苦晚稼猶資與翼鮮額手南瞻

為民慶不惟生慶更生憐

哈薩克馬

哈薩克馬多無萬古稱大宛實訛傳

哈薩克多善馬舊傳即古

大宛者非向有讀史記大宛傳詩已辨其訛

向北益冷向南暖冬時牧

近伊犁邊亦不驅逐薄取值

哈薩克在伊犁西北冬時許遊牧近邊隙

地所牧馬百中取一仍禁我人司其事者需索以示柔遠

仍禁需索行多年去

歲雪大馬羣佚入我土爾扈特田王奇里布乃查

出弗敢隱匿明報馬駐塔

爾為一字急呼

已哈為一字急呼

臺大臣奏佚馬盡付哈薩還守法尊上有如此是

誠可嘉恩旨宣

駐塔爾巴哈臺大臣惠齡奏據鄂倫布拉克地方卡倫侍衛額門轍

呈報哈薩克因上年雪大馬羣佚入土爾扈特者二百餘匹其屬下人隱匿未報經該親王奇里布查出呈明賠還倒斃馬匹送交哈薩克領回其隱匿未報之羅卜藏占已等十四人審明分別治罪土爾扈特以隣境佚馬弗敢攘取守法尊上實為可嘉因降旨獎勵并加賜緞足 古來若

輩胥化外相與奪攘為矯虔守在四夷尚弗暇或

且內寇滋邊患昔誌伊犁見大意

戊寅歲勒伊犁碑文曾以伊犁

既歸版章久安善後之圖要馬然屯種萬里外潛移默運上蒼鑒之惟奉時相機不敢逆料云

云今二十餘年歷久益安速藩奉法恭順如此實  
荷上天嘉佑予惟益凜惕乾日慎一日耳

何其歷久茲益安

天佑人歸實徵倖以此憂盛增惕乾

西峪

山莊駐五日西峪今始到一因懶遊興一因籌政要似  
此實麤疎名山得毋笑雨餘趁爽涼遂與窮宦僚謾賴  
落喬松可聞不可貌有欲無欲間胥可觀其妙

碧峯寺

門對碧峰寺以名有松蒼翠有泉清不教僧住污淨域  
儘許鹿來守化城到此即空還即色邇時宜雨亦宜晴  
心閒那更禪心悟觸目消閒七字成

味甘書屋口號

竹爐到處學江南書屋因之號味甘泉固尚甘茶尚苦  
其間調劑義應探

題有真意軒

萬壽山軒曰無盡避暑莊軒曰有真方寸之心祇一意



有真無盡何其紛然而有真乃無盡設其有盡無真存  
一而二而二而一誠其意者思斯文

對畫亭

是畫原恒對是亭亭情畫意兩冥冥多斯對者如鑒竅  
混沌因他太不寧

題秀起堂

西峪斯堂稱最高不恒至慮衆人勞可無逸句酬超景  
却異閒情著廣騷露潤風涼心畧慰林清坂綠意方豪

自維課雨量晴裏一歲舒眉得幾遭

振藻樓口號

雖云果實由花藻花用應輸果用資樓額振誠因即景  
家丞庶子尚當思

靜含太古山房

山房藏委宛既狹中亦宏客房可三間祛華惟樸楹可  
以延還目可以澄素情我昔來遊此與之太古名然自  
太古來原有此亦誠恰值小年長宜靜絕外營而我勅

幾人耽斯恐過生

山鹿

山鹿似海鷗傍人咫尺遊秋肥學虞即遠見便林投

題垌牧玉韞

薄言駟者有駟驅馳射匪資御以車體正心平繹深義  
經和記總訓無邪

咏木刻屏

有鶴山莊不剪翎任其飛去任居停胎仙惜此經雕刻

木鴈同他却肖形

右鶴

角弗解而毛弗毳食苹林下自相尋似呼牕外啣者  
勝爾全無避害心

右鹿

浙閩總督陳輝祖奏海塘開濬引河工成詩以誌  
慰

近年北坍沙海塘險吃緊雖命築塊石成事難期近

江浙

海塘自壬辰春以來沙痕漸覺北坍深為屢念庚子南  
巡親臨閱視飭該督撫於老鹽倉一帶改建石塘母惜  
工費雖據奏報次第建  
築而歲事尚需歲月  
潮汐日夜來慮害言不忍況逼

范公堤迴瀾漸侵損築埽以挑溜無奈雄波恣督臣與

司道集思籌疏引乃於頭圍處開河吸溜準相機遂放

派赴壑勢成允

陳輝祖奏西塘頭圍為江海交接之處  
漲沙至十餘里橫江截海阻隔水道以

致范公塘東日漸波刷章家巷西沖擊激勘因與藩司  
或任海防道周克開等悉心講論將頭圍掘出沙灘開  
挖引河一道待山水暴注時開放備其奔騰之勢順派  
攻沙一面辦理一面奏聞隨於三月二十一日乘山水  
漲發該督率同司道等親往開放大溜直趨引河兩岸  
沖塌寬深范公塘一帶正溜開向南行漸有南坍北漲

之勢等語陳輝祖辦理此事甚合機宜因加恩給還總督  
原品頂帶其司道以下在事人員併查明交部議叙以  
示獎  
勵 可冀漸南卅鉅工茲安穩覽奏實欣慰獎藉酬勞

敏佇俟石塘鞏茲猶屢念軫

荷二首

近玩居然代遠觀又看五沃發前灘昔年季夏今仲夏

氣候漸移此一端

往年燕河荷花於六月始開今五月下旬已放向嘗為氣候詩有武者人

煙轉以致點轉旋之句即此亦見一端

文綵鏤金體娘風無薰香氣不天紅試看出水淨真度

書法全標李鎮東

題所仿倪瓚獅子林圖五疊前韻

山自園房水瀉渠圖成題已五番書雖云仿彼真慙彼  
不曰知予當罪予喜有野禽歌宛轉又看小木長上聲扶  
胥一時偶爾抒閒興那較迂翁如不如

遊獅子園

六歲時初來此居

予自六歲時初隨  
考居此園計今六十餘年

皇

何當七十

二還餘老年偏憶少年事今日仍猶昔日予內聖外王

學牒若

祖功

宗德任肩諸獅園敬仰

前題額

園名 皇祖御筆賜額也

重構獅林覺惡如

近肖倪瓚吳中獅子林於

山莊并仿其圖弄之

題樂山書院

樂山仁者事山以靜為德靜亦仁之端三一三即仁  
靜存乎心山實為境域心境更非二渾一在已克樂豈



繫峯林五言識規則

忘言館

書館稱樸不稱華小新三間而已矣背峙翠屏截薛山  
面橫素帶清泠水智仁合撰趣有餘放彌卷退妙無已  
曰合忘言未易忘舊詠新題紛視此

待月亭口鈔

遊山馳驛屢吟詩

余於遊覽寓意不留尹繼善嘗有  
馳驛觀山之喻向曾屢詠及之

寓

意不留語素知小坐便行消半刻幾層巖月待於斯

妙高堂

高言山之體妙言山之用體固迴出羣用亦堪娛衆  
出羣自靜標娛衆在清供體用本互資清靜原相共  
設非澄懷對率難契幽綜

草房

巖房猶自號誅茅筮得天山上九爻却憶窮簷多凍餒  
憂同饑溺那能拋

松柏室

松是向長柏禽慶分明異姓弟和兄笑他五嶽名山到

謂向禽玉塞獅峰可識名

題含青齋

山城迢遞入巖扃路便山齋小憩停隔歲由他自生白  
憑窓詔我尚含青榭楓底用分殊品松柏終看有卓形  
似此一塵不到處何當靜坐玩義經

松霞室

戶外青霞非赤霞虬枝百尺上盤拏南樓小幘張屋壁

壁間并張長松圖女史  
陳書畫自鄴南樓老人  
相印精神本一家

挹秀書屋

書屋無過十笏寬固非鄴架插多般偶然一卷閒披覽  
亦覺其中秀可餐

得趣堂

大食玻璃窓牖糊千巖萬壑景來輸坐看卷畫無窮趣  
得自他乎得自吾

熱

六月朔  
日作

初至山莊得陣霽渥潤三寸已不啻其後雷雨縱間作  
旋落旋晴日三四塞外春夏之交旱小霑究仍欠優暨侵  
尋弗雨又過旬竟覺炎敲騰曠勢未泰雖已拔苗齊五  
日不雨將萎地近京畿南屢報澤留京王大臣及順天府尹直隸總督屢據奏報雨澤而此間經旬炎暵殊切盼望  
遠澤安能為近濟適來適值為民  
憂斯吾責豈他人事

晴碧亭憶舊

萬壑松風山之陰枕溪有亭曰晴碧我年十二隨至此

即

指殿旁為賜宅望見

御舟泊亭畔

呼名趨下層巖壁

顧謂勿疾恐蹉跌是即初蒙

恩眷日即今步履偶借扶那復騰蹻健如昔白頭宮監  
消磨盡祇有巖松足為質左右無人知此者六十年還  
迅瞬息而我勿言更誰言永昂惕乾酬

祖德

晚雨

六月初一日

向晚山雲四面鋪  
盆傾片刻霽斯須  
平岡剗土剗霑寸

不為

去聲

慰哉祇益吁

題王蒙長松飛瀑圖

山莊辟著王蒙畫見少因題七字詩  
設使石渠閱真賞

謂當無暇及於斯

是圖飛泉出辟雖別具生面而筆法微嫩恐非小樵真蹟向曾題詩誌之

題戒得堂

泐筆壬寅尚欠詩山莊莅止已多時曾無

義畫高輝字

是處為新構故無  
皇祖御書

宜有貌躬祖述詞

見堂記

雨

鮮庭莎綠猶淺雲生峯樹白徒披即今玉望甘霖得此  
得又安能戒之

問月樓

東嶺鬱嵯峨高樓出樹科每因先見月最愛俯臨波弗

計滿和半多供吟與哦如誠云致問不離

應作去聲  
讀見月令

畢

云何



來薰書屋口號

清冷書屋玉壺冰避暑真稱此絕勝風自南來正薰也  
解吾民愠又何曾

佳蔭室

遇日炎蒸劇都因弗雨然室猶嘉蔭下窓啓爽風延不  
必揮羽扇耐堪披蠹編摘詞惟望澤此是我心懸

夜雨

六月初四日

昨晴已無望夜雨忽驚夢乙更至戊籌時疎時密紅殷

雷空宇聞颯爽輕帷送忽覺瓦簷間琴筑紛響弄疑夢欣  
却真曉庭土香貢

朝晴

夙興不能眠那得農圃問命人闕地看入土霑四寸茲  
乃山岡上平川更無論禾黍苗已齊迴蘓助長迅餘澤及

原鹿新草飽芳潤

今歲塞外覺旱草未長齊此  
不惟益裝蓋無物不被澤也

招涼榭二首

上伏於斯稱憩陪綠陰碧草淨無埃新涼問作何招得

昨近都緣過雨來

謾云心靜自然涼心靜還因協雨暘今日方知榭佳處  
水風清拂葛衣裳

觀瀑

聽遠觀為近耳目力各殊目官司色也耳官則聲乎遠  
聲雖早聞清濁本一模近色縱遲觀妍媸差弗誣以是較  
觀聽觀為親切夫聽言要觀行宣尼示良謨而吾於觀瀑  
仰緬

聖同符

題山近軒

一霽能消萬斛愁  
軒稱山近得來遊  
林迴生意纔逾早  
籟挾涼聲颯似秋  
點砌依然欣雨落  
歸峰故爾惜雲流  
殷雷未放十分霽  
渴亟吾仍冀霈優

清娛室

山莊半月始臨吾  
疎懶由來有是乎  
書室潤芳延萬景  
清娛今日識清娛

簇奇廊口號

說石危峯盡態奇飄然欲墮更安之其安以正本無事  
說與兵家當曉斯

延山樓

巖廊過奇處山樓得延所其延乃在安理會於斯可啓  
我八窓虛納彼萬峯岨是謂不速客敬之吉易語

古松書屋作歌

古松不計閱世年少言應在三代前秦松漢柏名炫久

到此安能齊臂肩大椿建木徒稱謂豈如歷劫仍見蒼  
龍蟠古松於我誠有緣其下築屋纔一間亦不頻至至  
則弗忍去羲皇以上風月與我相周旋試問羲皇以上  
民物為何若古松無言惟以謖賴傳曰築屋已失之而  
況更有斯問焉

題永恬居

登甌披叢樾巉巖歷衆崦乍如雲間闕遂見樹籠檐樸  
斲緬

垂教淵襟契引潛寰區同樂利永沐

聖恩恬

素尚齋

仍步巖廊上山齋宛在茲古稀有二矣

祖德敢忘之修己即為政勤民要課時如云敦素尚却  
覺費新詞

塞湖泛月

晚雲欲散輓光披湖面荷風馥馥吹一以乘涼一泛月

知魚磯畔放舟時

每年泛月率從此登舟

雖是平臺却是舟

青雀船上 有平臺 既高益耐 延月

倚欄延得素光流

澎湖夜景何多讓  
妥帖橫陳煙雨樓

風自清涼露自濃  
蘭橈桂棹儘從容  
鍾峯月與武列水

太古如斯今適逢

澄觀上下一圓鏡  
孰是漪紋孰魄輝  
懶更廣寒微細故

摘詞意祇契精微

題雕漆愛蓮盒子



漆已十人諫雕寧三代知增華驚後世返樸左斯時花  
對瀟溪老圖成君子辭設云工執藝道古意猶宜

偶見

肩輿問景傍山行偶見奉魔樹根委試尋其母那見蹤  
應畏人多避林裏弱毛淋滲尚帶濕脫支於嶢未能徙  
終日無乳將餓斃設遇野狐且嚙死令人還立護視之  
待其母來領去耳其或牝鹿忘相尋抱去乳育亦誠美  
纔過半時視者報牝鹿出林旋顧子舐之哺之腓字之

須臾能行隨去矣吁嗟獸尚有天倫儼若人害弗知是  
於物不忍有若斯況敢酷吏聽用彼時臨大暑思及此

詠弋鳬玉韞

鷄鳴刻鏤寫風詩每以聞弓更有思設使射鳬隨箭落  
亦奚藉彼繫絲為

詩弋鳬與雁疎弋謂以繩繫矢而射也以繩繫矢其  
矢去已弗能直且速設浮於波之鳬雁或可偶用  
之若列子所謂連雙鷁於青雲之際在文人甚其辭

鋒巧為比喻則可若謂實有其事試思青雲之高其繩應用幾許長繩長必牽矢勿速即無絲繁之箭亦不能高至青雲之際安能命中皆所謂未見顏色之言耳今林吉又冰魚者實用此術蓋鑿冰成孔魚過其下又之使帶繳而去復至一孔復又之三四又其魚即可取然其繩長亦不過數十丈而已此親問又魚人而知者夫青雲之高豈祇數十丈而已哉因並記於此

題宋澄泥天馬硯

墨鋪漬來幾百春是泥是石孰知真欲詢潑墨金壺客

硯背刻金

壺二字

金馬可如待詔人

赤子心

皇祖避暑山莊詩辛卯同我七十二

皇祖避暑山莊三十六景詩成

於康熙辛卯計今七十二年矣

而我十二扈

蹕來即今花甲正週暨

康熙壬寅歲余年十二扈蹕至此今脾息又週壬寅詳見

晴碧亭憶舊詩

其間憂樂實紛哉綠水青山本無事雖然

聖日照萬年谷陵豈共光陰逝願言不失赤子心羹牆  
恒見疊繩繼

水月精舍

平岡上構舍其下臨碧水水與月契友題額乃所以然  
必當夕遊方可領其美我則偶乘興日中率蒞止是乃  
實孤名曰寓意而已

綠雲樓

巖樹雖高樓更高近林遠樹景無逃綠雲設與山雲合

嘉霽即應大霈膏

澄觀齋

設曰觀為能則澄應是所即如我與物相資如律呂言  
同尚弗當言異更不可在我曰觀物在物曰澄我<sub>叶</sub>物  
我兩忘時澄觀誠緒語

翠雲巖

層巖有樹樹如雲生翠誰為點染紛石自不知林自若  
安名立字任云云

實以為虛有若無何曾定相去聲許人摹箇中如有君稱者傳號應從楚左徒

喜雨

六月十三日

昨晚即生雲終日陰醞釀入夜始細霏今晨更酣暢時密復時疎過午晴未放既優亦既渥盈尺殊難狀回憶已卯歲值旱驕陽亢三冬既闕雪春夏徒雨望步禱謁南郊蒙

佑嘉霽貺其日同茲日

己卯歲六月十一日躬舉

大雪迴自南郊於十二日得雨

正與今歲月日相同而今歲上年冬雪既優春夏亦屢  
得雨澤不過未十分霑足耳是以並未舉行  
大雩  
之禮茲自十二日夜雨連旦至次日未  
中間未止更為霑足恰與己卯同日云  
而茲實勝向屢

雨春夏逢所欠霑足償此番乃大霑歷久被應廣京畿  
及北塞秋收庶其諒額手慰益懼祈年勤輔相

喜晴

一晝夜雨適可矣今日快晴良足喜朝猶聚散雲霏絲  
卓午西北風隨起蒼蔚漸斂露曦光天宇空澄翠藍洗  
剛道懼旱虞作霖一心無定自咎爾雖然躁急鮮雍容



勤民不知疲樂此

詠宋端石三十六洞天硯

端溪古石宋時製式是玉堂翰苑珍意寓洞天三十六  
伊人應厭利名人

點竄張照書聯語二句因口占促成

侍臣聯句猶粘壁前席無端畧憶初似此精神能永注

每看照書如甫就墨滿未乾此精神所注非趙董所能也

謂他趙

孟頫董昌

其或難如兩

言即景未詳孰

照書聯云四面有山皆入畫一年無日不看花不知誰所作也

五字

返躬因易子四海有民皆視子一年無日不看書

起句易四字對句祇易一字

陣雨

六月望日

昨朝雲散盡今曉日騰光  
傍晚陰西北毆風雨霏霏旋晴  
真是幻當夏此其常  
碧宇新藍蔚生衣切嫩涼

泛月

佳蟾應在月之望况值雲開霽光放  
塞湖此景不可孤因  
教青雀紅舡名乘時漾餘縷  
初夕猶徘徊團輪甲夜遂詠暢  
乍欣桂槭浮露潤何必錦帆逐風颭  
小部鼓吹都弗藉

鶴唳偏宜和鹿唱稍容與便命棹還長夜為歡懼無當

霞標弗待月

霞標弗待月去歲斯已然

往年夜遊山月每於望後登霞標之平臺坐待月升跋馬

而下昨歲即未如向例故有待月常年原有例今年勿試夜行鞭之句

萬山之中夜跋馬

自覺磬控艱周旋有如銜轂亦何要身先

去聲

習武寧渠

謂此焉霞標弗待月肩輿卓午宛菴止適纔雖有言或

者好逸為游語

叶

即景婆婆興不淺未免見獵心猶喜

心喜其如力弗從古稀天子誠老矣四壁泐有夜遊山

月詩歷吟祇益增慚耳

留京王大臣奏報京畿晴雨應時詩以誌

慰

此間晴雨協運繼念京師是日接郵報曰時占若宜早  
秋已勃長晚種亦興耜

留京王大臣等奏報京師自十  
三日以前得有透雨後即于十

四日晴霽早禾茂晚禾亦  
及時趕種農民甚為歡悅

暨慰還因懼秋成尚欠遲

題敝晴齋

升高降下幾盤迴石戶巖齋坦蕩開過雨敞懷置他往

快情即景例斯陪  
峯如新濯芙蓉嫩  
潔以平添絃管催  
欲問空空生白者  
解增吟思待誰來

繪韻樓

拾級書樓偶趁閒  
開窓朗景對晴山  
天然六法非渲滌  
氣韻超於生動間

清綺書屋

綺類奢不遜清近  
儉則固子云與其  
寧訓人著章句書  
屋曰清綺酌劑得  
中處綺亦弗傷華  
清亦弗傷素砥行

及屬文相資式如玉叶俯仰契靜會詎惟山水趣

碧靜堂

過谷復登山書堂松壑間隔年猶碧靜快霽對孱顏日  
朗林愈翠風清窓不閒摘吟惟遣興那擬破天慳

淨練溪樓

跨溪有室本非樓似閣居然溪上頭無水每疑名不副  
雨餘今日練光流

食蔗居

將謂斯為最深矣

西北巖室深邃廣辰秋信馬得之因  
搆是居辛巳落成有食蔗來藍甘之

句因以

侵尋西北更深探

秀起碧靜諸堂皆成  
於此後而更在西北

肩輿乘

興一偶到綴景問心多所慚  
尾美究欣窮處好漿寒頗  
覺伏中堪回看碧靜難專靜  
應讓山居為去聲指南

### 小許菴

豈關問景與探奇容膝以安  
靜以宜行已立身如絮短  
慎微謹小亦應思

驟雨

六月十八日

山雲靄靄挾雨來始如處女後脫兔恰值肩輿谷中行  
倒峽傾盆紛布復退實無當進或過油繖支撐向前赴  
製衣雨衣也不漏莫如瓦猶喜茂林作蔽護須臾亦復歸

山齋僕役淋濕例賞素因思行軍有若斯遲疑萬事率成悞

曉晴

入夜猶細霰凌晨遂快晴萬山歸雲鬢四字濯光晶心  
以籌農慰興緣即景生拈毫成五字兩目乍因明

白玉鳩頭杖口髯



白玉鳩頭刻杖扶  
卽今健步尚非須  
山莊置待耆艾用  
耆艾猶能至此無

題創得齋

意行葭翫密林穿  
豁朗石門宛目前  
幾曲野橋流水渡  
三間迴室倚峯懸  
到來新境俱澄矣  
閱過詩詞似幻焉  
仍復拈毫寫新會  
便云創得亦應然

枕碧樓

齋倚復有樓  
高出衆林頭  
過雨青還碧  
如波泛不流  
五

欽定四庫全書

卷九十一

言孰今古萬頃自春秋設擬三山近真攜期羨遊

梅檀林

一頗橫拖處平分東與西無端試升降便覺別高低大  
士相常淨梅檀林昔題由來有為法不出六如提

天籟書屋

書屋支牕納衆皴悠然天籟爽心神四家畫卷收檀匣

書屋內弄歲朱芾吳鎮徐責唐寅四家畫  
卷皆經項元汴鑒藏有天籟閣印識者  
笑我重儻特

認真

雲潤樓

玉塞遍霑雨

自今歲至山莊承德府屬及蒙古札薩克地方雖屢得雨澤究未霑足至六月望前

始得霑雨各屬及蒙古地方俱十分深透田禾暢發秋收可期豐稔

山莊正喜暘燠原都

蔚綠草木總含芳拾級高樓迴抒懷夏景長何非雲所潤今日不孤望

超然字

地勢北高南向卑膠西那足並肩斯須教蘇句重提憶亦在於心自得之

詠滄洲趣

塞上艱致水成湖自早年頗顛塘半畝則因鑿蓄然旱  
亦若井眚雨亦如池淵霽後偶來對滄州趣澄鮮觸景  
悟為學追論枯於前

再題沈周桐陰玩鶴圖

綠柳桐雲爽籟披屢屢筇杖立移時恰如處士孤山北  
放去還應自欵之

批摺

批摺勅時幾政務關綦要而於籌雨暘更切農功幼今年江以南大率時若告山陝及甘肅亦不愁旱澇京畿接齊豫三省蓋同調春末至夏初縱雨勿優膏連六月

上旬盈尺澤方樂此地近外藩俱已渥霈報

熱河及蒙古札薩克

地方均於六月初八并十三等日得有透雨十分霽足京城并直隸各屬亦據奏報一律霽霑

齊豫較

却遠陸續茲奏到

昨富勒渾奏報豫省六月十一二日大雨霽霑連宵連旦十分透足今據

孫士毅奏東省於六月初七八十二三等日連得雨澤各屬亦陸續具報入土深透秋成可卜等語

大田

及晚種均可秋成約更幸每收情未致愁霖淖雖然秋尚

遙惟慎志敢傲

蒙古田

蒙古昔種田撒種委之去謂曰靠天收秋成返刈

穫

叶

其去非無因或獵或考牧

叶

而今則不然均

習耘耨務課雨與量晴不殊三農慮然實廢牧獵

斯亦忘其故青海更甚茲飲酒安眠豫田獵牧俱

懈窮番壞且懼

黑帳房番人本畏蒙古今青海蒙古耽樂圖安轉有被番人却奪之

事而畏之經駐札西寧大臣留保  
任奏聞因訓飭令莫忘舊俗也

喀爾喀地冷無可

事耕作牧獵尚所勤古風猶未除新附者知耕

都爾伯特和碩特及土爾扈特皆厄魯特  
習耕種因擬地氣較暖地居之俾事耕牧地道

不齊固却類內扎薩衣食漸富庶叶版升圖安居

何異齊民趣隱思苟用彼宜彼先民素蒙古語

為格爾以土瓦屋為拜姓版升蓋拜姓之訛明

時朵顏三衛即有此語朵顏者諾音之訛向王

會汾有版升宜加防範之奏此相沿明季畏蔥

陋習不直一哂時即笑諭彼曰茲侍從之札拉

璧阿即版升汝亦懼之乎因將原奏擲還且明

洪武初分封寧王鎮守三衛永樂靖難時尚藉

其力因割地以償前勞後世不能駕馭致等額

森入邊遂有土木之變我朝則中外一家所謂

三衛之人皆勤畊力作與編戶齊民無異是今之蒙古  
實非漢唐宋明所畏者比然向之蒙古尚有隨征伐之  
事茲翻恐不  
得其力耳  
然而鮮橫去聲行得在失間寓中外計胥厯

達者不言諭

題牙刻漁樂圖小屏

荻洲春水喜初生  
鳬藻相於樂意盈  
却笑夫差違物性  
至今吳地尚傳城

右荻洲放鴨

維舟曬網綠楊叢  
團飲猶存上古風  
魚樂國中人亦樂



微醺臉映夕陽紅

右艤棹浮觴

集網澄潭圖杜詩四民謀食各聽其鷓鴣獨惜遭毆遣  
勞捕湖鱗自忍饑

右澄潭集網

歸漁艇繫綠波涵牙寫猶羸刻楮諧角榘木孟相對處

山莊所有角榘木孟皆  
示儉茲詠牙刻屏知風俗日趨華麗返樸惟

難自堪  
慙忍耳增華踵事祇增慚

右柳浦歸漁

御製詩四集卷九十一